

¡BOMBA!

En enero, quién dijera,
tenemos hasta nevada,
y el frío esta temporada,
más se siente en la cartera



K'uintsil

Miércoles 14 de enero de 2026

CAMPECHE · YUCATÁN · QUINTANA ROO · AÑO 11 · NÚMERO 2642 · www.lajornadamaya.mx

BTSe' tu k'a'aytaj u ch'a'ajoltik u máan k'aay tu ja'abil 2026-2027 ti' jejeláas kaajo'ob yóok'ol kaab



Oochel Reuters

U múuch' k'aayil K-pop BTS tu ts'áaj k'ajóoltbile' yaan u beetik xiimbal meyaj tu ja'abil 2026-2027, tu'ux yaan u máan k'aay maanal 70 u téenal tu noj lu'umilo'ob Asia, Norteamérica, Sudamérica, Australia yéetel Europa.

Yáax k'aaye' yaan u beetiko'ob Corea del Sur ti'al u winalil abril, yéetel yaan u taal u ts'o'okol tu winalil marzo ti' u ja'abil 2027.

Ti'al máaxo'ob táaka'an ich ARMYe', yaan u béeytal u ma'anal prebeentáa tu k'iinilo'ob 22 yéetel 23 ti' enero. Ba'ale' ti'al u yokol máak te'el múuch' je'elo', k'a'abéet u yáax okol máak u registrartubáaj tu kúuchil Weverse méek'a'an tumen HYBE.

Tu k'iinil 24 ti' enero keen káajak u ko'onol boleetóos ti'al je'el máaxake'.

Múuch'e' yaan u kóokol k'aay xan Ciudad de México; ti' kun úuchul estaadyo GNP Seguros, tu k'iinilo'ob 7, 9 yéetel 10 ti' mayo, ti' le ja'abil 2026a'.

K'a'aytajile' beeta'ab tu jo'olaj jayp'éel k'iino'ob a'alak tumen u mola'ayil BigHit Musice', u múuch' k'aayil BTSe' yaan u ch'a'ajoltik paax tu k'iinil 20 ti' marzo, tu jo'olaj kex kamp'éel ja'abo'ob je'elek.

Yanchaj u chéenel u k'aayo'obe', tumen le uktúul xi'ipalalo'ob táakan'o'ob BTSe' RM, Jin, Jimin, V, Suga, Jung Kook yéetel j-hope) yanchaj u beetik u séerbisyoó militar najmal u beeta'al Corea del Sur.

Beey túuno', ichhil kaajo'ob tu'ux yaan u máano'ob k'aaye' ti' le ja'abil 2026 yaniko'ona' ti' yaan: Tokio; Tampa, Florida; El Paso, Texas; Stanford, California; Las Vegas; Busan, Corea del Sur; Madrid; Bruselas; Londres; Múnich; París; East Rutherford, Nueva Jersey; Foxborough, Massachusetts; Baltimore; Arlington, Texas; Toronto; Chicago; Los Ángeles; Bogotá, Colombia; Lima, Perú; Santiago, Chile; Buenos Aires, Argentina; Sao Paulo.

Yéetel ti'al u ja'abil 2027, leti' lelo'oba': Melbourne, Australia; Sidney; Hong Kong yéetel Manila, Filipinas.